



**RAPORT
MONITORIMI I SEKTORIT TË
MJEDISIT NË KOMUNËN E
GJILANIT**

2024

MAJ, 2025



RAPORT MONITORIMI I SEKTORIT TË MJEDISIT NË KOMUNËN E GJILANIT – 2024

Autor dhe botues: EC Ma Ndryshe

Rr. Fehmi Lladrovci Nr. 67, Prizren,
Rr. Xhemajl Mustafa 9/1 LL-4 Nr.7

www.ecmandryshe.org
info@ecmandryshe.org

029 222 771

Maj, 2025

PËRMBAJTJA :

HYRJE

GJETJET E RAPORTIT

- 1** Skema institucionale për planifikimin dhe menaxhimin mjedisor
Statistikat Kryesore - 2024:
- 2** Korniza ligjore
- 3** Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit
- 4** Mbikëqyrja inspektive dhe raportimi mjedisor
Raportet mjedisore në nivelin lokal
- 5** Krijimi, grumbullimi, menaxhimi i të dhënave dhe sistemit të menaxhimit të dhënave
- 6** Bashkëpunimi, koordinimi dhe pjesëmarrja publike
- 7** Licencimi dhe lejet mjedisore
- 8** PËRFUNDIME
- 9** REKOMANDIMET

HYRJE

Ky raport është një përpjekje e re e strukturuar e shoqërisë civile për të adresuar e trajtuar përgjegjësitë e organeve kompetente të Qeverisë Lokale, përkatësisht përgjegjësitë e Komunave karshi 7 aspekteve mjedisore që rregullohen me kornizën ligjore të vendit.

Organet përgjegjëse për mbrojtjen e mjedisit janë të rregulluara në forma të ndryshme në Komunitatet e Kosovës. Disa nga komunitetet kanë drejtori të dedikuara për mbrojtjen e mjedisit, ndërsa disa kanë sektore në kuadër të drejtorive për planifikim apo zyrtarë përgjegjës për çështje mjedisore.

Metodologjia e ndjekur nga EC Ma Ndryshe për përpilimin e këtij raporti merr në konsideratë 12 ligje që adresojnë aspekte të ndryshme të mbrojtjes së mjedisit, si:

- Ligji nr.03/L-025 për mbrojtjen e mjedisit
- Ligji nr.03/L-233 për mbrojtjen e natyrës
- Ligji nr.03/L-160 për mbrojtjen e ajrit nga ndotja
- Ligji nr.2003_3 për pyjet e Kosovës
- Ligji nr.04/L-147 për ujërat e Kosovës
- Ligji nr.04/L-060 për mbeturina
- Ligji nr.06/L-035 për veprimtaritë hidrometeorologjike
- Ligji nr.03/L-119 për produktet biocide dhe shtojcat
- Ligji nr.02/L-53 për gjuetinë
- Ligji nr.04/L-197 për kimikate
- Ligji nr.04/L-174 për planifikimin hapësinor
- Ligji nr.04/L-175 për inspektoratin e mjedisit, ujërave, natyrës, planifikimit hapësinor dhe ndërtimit.

Mbi këtë bazë përmbajtja e këtij raporti tenton që të mbulojë aspektet kryesore që legjislacioni në fuqi adreson, si:

- Skema institucionale për planifikimin dhe menaxhimin mjedisor
- Korniza ligjore
- Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit
- Mbikëqyrja inspektive dhe raportimi mjedisor
- Krijimi, grumbullimi, menaxhimi i të dhënave dhe sistemit të menaxhimit të dhënave
- Bashkëpunimi, koordinimi dhe pjesëmarrja publike
- Licencimi dhe lejet mjedisore

Gjetjet e këtij raporti në kapituj të caktuar kanë identifikuar mangësitë aktuale në sektorin e mjedisit, që kërkojnë vëmendje më të shtuar nga autoritetet komunale, me qëllim të përmirësimit të procesit të planifikimit dhe menaxhimit mjedisor. Gjithashtu ato janë validuar nga zyrtarët përkatës komunal, si pasqyrim i gjendjes reale në sektorin e mjedisit.

Njëherësh kanë theksuar se burimet njerëzore dhe financiare nuk janë në nivel të mjaftueshëm, gjë që mbase reflektohet edhe në gjendjen aktuale mjedisore. Në fund janë adresuar edhe disa rekomandime me qëllim të përmirësimeve dhe plotësimeve në proceset e Planifikimit dhe Menaxhimit Mjedisor, drejt arritjes së rezultateve më të qëndrueshme në sektorin e mjedisit dhe mbrojtjen e resurseve natyrore.

GJETJET E RAPORTIT

Skema institucionale për planifikimin dhe menaxhimin mjedisor

Në Komunën e Gjilanit organi përgjegjës për planifikim dhe menaxhim mjedisor është Drejtoria Urbanizmit dhe Mbrojtjes së Mjedisit. Sipas deklaratave të zyrtarëve të DUPMM-së në kuadër të kësaj drejtorie nuk ka sektor sa i përket fushës së mjedisit dhe se në këtë drejtori kanë të angazhuar vetëm një zyrtar mjedisor. Teksa Drejtoria e Inspeksionit ka raportuar se ka të angazhuar vetëm dy inspektor që angazhohen dhe në fushën e mjedisit një me kontratë të përhershme dhe një me një kontratë të përkohshme.

Organi komunal	A është themeluar?	Emri zyrtar	Fuqia aktuale punëtore
Drejtoria		Drejtoria e Urbanizmit dhe Mbrojtjes së Mjedisit	/
Sektor		/	/
Zyrtarët		Zyrtarë mjedisor	1
Drejtoria		Drejtoria e Shërbimeve Publike	/
Sektor		/	/
Zyrtarët		Inspektor	2

Numri i angazhuar i shërbyesve civil në këtë drejtori thuhet se nuk është i mjaftueshëm për kryerjen e detyrave të përcaktuara me kornizën ligjore. Ndërsa, sa i përket pyetjes se a kanë shërbyesit civil profilet e nevojshme profesionale për kryerjen e detyrave, zyrtarët e DUPMM kanë thënë se jo ndërsa zyrtarët e DI kanë pohuar se kanë profilet e nevojshme profesionale. Njëkohësisht përgaditja e tyre profesionale nga nga shkalla 1 (aspak) deri në 5 (shkëlqyeshëm) është vlerësuar me numrin 2 nga DUPMM dhe 4 nga DI.

DUPMM dhe DI kanë bërë të ditur se gjatë vitit 2024 për punonjësit e këtij sektori janë organizuar trajnime rreth kornizës ligjore dhe rreth çështjeve mjedisore nga niveli qendror, ministria e mjedisit dhe organizata të ndryshme ndërkombëtare në lidhje me këto tema:

- Konferencë vjetore CorrWatch: “Ritja e mbikqyrjes publike dhe llogaridhënies institucionale në Kosovë”, 28 shkurt 2024;
- Tryezë e trumbullakët për zbatimin e Udhëzimit Administrativ nr, 07/2023 për ambalazhin dhe mbeturinat e ambalazhit, 28 shkurt 2024;
- Kolegjiumi për inspektorat me temë: Ligji mbi inspektimet, 21 maj 2024;
- Trajnimi mbi “Parandalimi dhe zvogëlimi i barrës administrative”;
- Tryeza “Roli i organeve kompetente për ruajtjen e mjedisit, kafshëve, bimëve dhe objekteve kulturore”;
- Tryeza “Luftimi i krimeve mjedisore në mjedis dhe natyrë” e organizuar nga Inspektorati i MMPHI-së dhe organizata IMPEL, 17-18 dhjetor;
- Punëtori gjysmëditore mbi Ligjin Omnibus të Inspektimeve - 14 maj 2024 - Prishtinë;
- Trajnimi mbi “Instrumentin për percjelljen e protokolleve të inspektimeve” nga USAID;
- Trajnimi mbi “Zvogëlimin e barrës administrative” nga GIZ;
- Trajnimi mbi “Implementimin e UA 05/2017” nga MMPHI-USAID, Mars 2024;
- Punëtori teknike mbu “Procedurat e LN dhe aplikimi për çertifikatën e përdorimit”, 17 maj 2024;
- Trajnim mbi sistemin e përcjelljes së protokolleve të inspektimit 06 mars 2024-;
- Punëtori gjysmëditore mbi Ligjin OMNIBUS, 14 maj 2024;
- Punëtori për Ligjin e Inspektimeve - GIZ, 11 tetor 2024;
- Trajnimi për ligjin për Mbeturina, 19-20 tetor 2024.

Stafi i DUPMM gjatë vitit 2024 nuk ka shfrytëzuar ndonjë udhëzues profesional për planifikimin dhe menaxhimin e çështjeve mjedisore, por gjatë kryerjes së detyrave kryesisht është fokusuar në legjislacionin në fuqi dhe dokumentet strategjike për të cilat janë të obliguar t'i zbatojnë.

Statistikat Kryesore – 2024:

Kategoritë	Numri
Numri i zyrtarëve të angazhuar në DUPMM	1
Trajnimet rreth kornizës ligjore	12
Trajnimet sipas fushës mjedisore	2
Udhëzues Profesional për Planifikimin dhe Menaxhimin Mjedisor	0

Korniza ligjore

Metodologjia e EC-it, merr në konsideratë 12 ligje që adresojnë aspekte të ndryshme të mbrojtjes së mjedisit, të cekura më lartë.

Komuna e Gjilanit, përkatësisht DUPMM ka raportuar se mbështetet në këto dokumente ligjore:

- Ligjin për Planifikim Hapësinor
- Ligjin Nr. 03/L-25 për Mbrojtjen e Mjedisit
- Ligjin Nr. 02/L-30 për Menaxhim të Mbeturinave
- Ligjin 04/L-175 për Inspektim
- Ligjin Nr. 03/L-024 për Vlerësimin e Ndikimit në Mjedis
- Ligjin Nr. 03/L-015 për Vlerësimin Strategjik Mjedisor
- Ligji Nr.02/L-102 Ligji për Mbrojtje nga Zhurma
- Ligji Nr. 03/L-160 Ligji për Mbrojtjen e Ajrit nga Ndotja,
- Ligjin Nr.04/ L-147 për Ujëra, etj.

Ndërsa në kuadër të Udhëzimeve Administrative shfrytëzohen:

- 1.U.A Nr.01/2017 për Dhënien e Lejes Mjedisore Komunale,
- 2.U.A Nr.14/2015 për Ndëshkim me Gjoha Mandatore,
- 3.U.A Nr.01/2020 për Menaxhimin e Mbeturinave që përmbajnë azbest,
- 4.U.A Nr. 06/2018 për Ndëshkimet me Gjoha Mandatore,
- 5.U.A Nr.03 /2018 për Procedurat për Leje Ujore,
- 6.U.a Nr. 07/2015 për Menaxhimin e Mbeturinave nga ndërtimi dhe demolimi i objekteve ndërtimore.

Zyrtarët e DUPMM të Komunës së Gjilanit kanë vlerësuar se korniza ligjore është mirë e konsoliduar dhe kanë vlerësuar me 4 njohuritë e stafit rreth kornizës ligjore (1/aspak - 5/shkëlqyeshëm).

Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit

Gjatë vitit 2024 DUPMM kanë theksuar se si dokument për planifikim dhe menaxhim mjedisor ka Planin Lokal të Veprimit plan i cili ka skaduar dhe se plani i ri është në proces të realizimit. Po ashtu nga zyrtarët është treguar se Vlerësimi Strategjik Mjedisor nuk është aktiv, duke mos dhënë detaje të tutjeshme në lidhje me të dhe dokumentet dhe planet tjera strategjike.

Lloji i planit	Emri i dokumentit	Statu si	Koha e hartimit	Kohëzgjatja e mandatit	Hartues i	Disponueshmëria e raporteve të zbatimit
Planet Lokal i Veprimit në Mjedis	Plani lokal i Veprimit në Mjedis 2020-2024	Nuk është miratuar në Kuvendin Komunal	2019	4 vjeçar	Komuna e Gjilanit në bashkëpunim me “Let’s do it Kosova”	/
Vlerësimi i Strategjik Mjedisor	Vlerësimi Strategjik Mjedisor për PZHK-në	Nuk është aktive	/	/	Komuna e Gjilanit	/

Sa i përket harmonizimit të këtyre strategjive lokale me strategjitë qendrore zyrtarët kanë reguar se ato janë të harmonizuara. Ndërsa mbi projektet kapitale të nivelit lokal për rregullimin, promovimin dhe mbrojtjen e mjedisit zyrtarët kanë thënë se komuna nuk mund të zhvilloj projekte të tilla me arsyen se mungon Plani Lokal i Veprimit në Mjedis dhe Plani Zhvillimor Komunal.

Sa i përket masave të ndërmarra nga ana e nivelit lokal për mbrojtjen e mjedisit, zyrtarët kanë thënë se në mungesë të sektorit mjedisor dhe të PLVM, komuna nuk ka marrë masa për mbrojtje të mjedisit, duke përjashtuar masat e parapara nga Plani Zhvillimor Komunal dhe PRRU.

Mbikëqyrja inspektive dhe raportimi mjedisor

Zyrtarët e DI kanë raportuar se po realizohet inspektimi i kornizës ligjore të mbrojtjes së mjedisit. Në të njëjtën kohë ata kanë treguar se hartohen raporte për monitorimin e zbatimit të lejes mjedisore komunale për objektet e banimit kolektiv.

Sa i përket gjendjes së deponive zyrtarët kanë pohuar se deponitë monitorohen në mënyrë sistematike. Teksa në lidhje me gjendjen e zonave të mbrojtura kanë treguar se monitorohen çdo vit dhe raportohet para datës 31 Mars në Agjencionin e Mbrojtës së Mjedisit të Kosovës.

Në pyetjen mbi identifikimin e çrregullimeve mjedisore, zyrtarët kanë treguar se janë identifikuar raste nga kërkesat e pranuar nga qytetarët (verbale dhe zyrtare) për çështje mjedisore, si ndotja nga mbeturinat, ndotja e lumenjve, ndotja akustike dhe eksploatimi i resurseve natyrore. Pas inspektimeve, janë lëshuar aktet përkatëse normative (vendime, gjoba, njoftime etj.).

Ndërsa sa i përket identifikimit të shkeljeve në menaxhimin e burimeve drusore, jodrusore dhe faunës së egër dhe tejkalimeve të kushteve të vendgjuesive nga zyrtarët është raportuar se kjo pjesë është përgjegjësi e Agjencionit Pyjor të Kosovës dhe se ekzistojnë zona të përkufizuara për gjuetinë në kuadër të Planit Zhvillimor Komunal dhe se kjo nuk monitorohet nga DUPMM. Gjatë vitit 2024 kjo komunë ka pasur dy inspektorë të angazhuar në sferën mjedisore të cilët kanë raportuar se kanë inspektuar 180 raste.

Nr.	Aktiviteti, masat e ndërmarra dhe numri i tyre	2024
1.	Numri i inspektimeve	180
2.	Numri i procesverbaleve të hartuara	105
3.	Numri i gjobave të shqiptuara	08
4.	Numri i kërkesave të dorëzuara në Gjykatë	00
5.	Numri i kërkesave të pranuar	24
6.	Numri i kërkesave të shqyrtuara	20
7.	Numri i kërkesave në shqyrtim	04

Krijimi, grumbullimi, menaxhimi i të dhënave dhe sistemit të menaxhimit të dhënave

Komuna e Gjilanit ka një stacion për monitorimin e cilësisë së ajrit nga AMMK në oborrin e shkollës fillore "Selami Hallaqi", por nuk ka mbikëqyrje sistematike të cilësisë së ajrit nga ana komunës por kjo pjesë realizohet nga ana e Institutit Hidrometeorologjik të Kosovës. Ndërsa sa i përket sistemit të monitorimit dhe mbikëqyrjes sistematike të cilësisë së dheut dhe ujërave sipërfaqësore dhe nëtokësore është raportuar se nuk realizohet, vetëm se për këtë të fundit (cilësisë së ujërave sipërfaqësore dhe nëtokësore) monitorimi realizohet nga Instituti i Shëndetit Publik dhe Kompania "Hidromorava" nga të cilët realizohet edhe analiza fiziko-kimike dhe mikrobiologjike të ujit.

Sipas dokumentit të ndarë nga ana e Drejtorisë për Mbrojtje dhe Shpëtim parashikimi dhe paralajmërimi i hershëm për vërshimet dhe thatësitrat në Komunën e Gjilanit nuk është i detajuar, por ka masa parandaluese dhe menaxhuese. Për vërshimet, identifikohen zonat me rrezik të lartë dhe pastrohen periodikisht shtretërit e lumenjve për të reduktuar ndikimet. Për thatësitrat, monitorohet furnizimi me ujë, ndërmerren masa për kursimin e tij dhe sigurohen burime alternative. Megjithatë, nevojitet përmirësim i sistemeve të hershme të paralajmërimit për të rritur gatishmërinë dhe reagimin ndaj këtyre fenomeneve.

Edhe përgjatë vitit 2024 Komuna e Gjilanit nuk ka pasur sistem të menaxhimit të të dhënave mjedisore si shkak kjo nga mungesa e sektorit për mbrojtjen e mjedisit. Po ashtu sa i përket posedimit të kapaciteteve të nevojshme teknike për krijimin, grumbullimin dhe menaxhimin e të dhënave mjedisore ata vlerësojnë se nuk ka as staf e as kapacitete për grumbullimin dhe menaxhimin e tyre.

Bashkëpunimi, koordinimi dhe pjesëmarrja publike

Zyrtarët përgjegjës të Komunës së Gjilanit bashkëpunimin dhe koordinimin me nivelin qendror në hartimin e akteve ligjore dhe nënligjore dhe hartimin e strategjive mjedisore e kanë vlerësuar si të kënaqshëm. Sipas tyre niveli i bashkëpunimit me organizatat joqeveritare sa i përket zhvillimit të aktiviteteve të ndryshme është po ashtu në nivel të kënaqshëm. Pjesëmarrjen publike të cilën zyrtarët e kanë vlerësuar si jo të kënaqshme gjatë diskutimeve publike që kjo drejtori ka organizuar përgjatë vitit 2024 në lidhje me PLVM, PZhK dhe HZK.

Licencimi dhe lejet mjedisore

Sa i përket lejeve mjedisore në kuadër të DUPMM zyrtarët kanë raportuar se kanë lëshuar gjithsej 14 vendime për Leje Mjedisore Komunale, dhe se të hyrat nga këto leje mjedisore gjatë vitit 2024 kanë qenë 63,343.000 euro.

PËRFUNDIME

Gjetjet e këtij raporti janë validuar nga zyrtarët përkatës komunalë, duke pohuar se ato pasqyrojnë gjendjen reale në sektorin e mjedisit, bashkë me mundësitë për të ngritur dhe përmirësuar çështjet mjedisore në këtë komunë. Mungesa e sektorit për mjedis së bashku me burimet njerëzore dhe financiare që sipas tyre nuk janë të nivel e mjaftueshëm, po reflektohet edhe në gjendjen aktuale mjedisore.

Komuna e Gjilanit nuk ka një organ përgjegjës për mbrojtjen e mjedisit dhe kapacitetet njerëzore brenda këtij organi janë të pamjaftueshme duke shtuar se në periudhën raportuese nuk është organizuar asnjë trajnim rreth çështjeve mjedisore për stafin e DUPMM.

Korniza ligjore mjedisore është mirë e konsoliduar dhe njohuritë e stafit komunal rreth kornizës mjedisore janë të nivelit të lartë.

Shkalla e hartimit dhe zbatimit të politikave lokale për planifikimin dhe menaxhimin mjedisor mbetet problematik, për faktin se nuk ka organizim të mirëfilltë në këtë aspekt; përkatësisht, rrjedha aktuale e hartimit dhe zbatimit të dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit aktualisht e bën të vështirë matjen e efikasitetit të këtyre veprimeve në përmirësimin e gjendjes mjedisore.

Niveli i inspektimit dhe monitorimit mjedisor mbetet i paqartë, megjithëse raportohen inspektime të rregullta mbi lejet mjedisore, deponitë dhe zonat e mbrojtura. Shkeljet identifikohen kryesisht nga kërkesat e qytetarëve, ndërsa menaxhimi i burimeve natyrore i takon Agjencionit Pyjor të Kosovës. Gjatë vitit 2024, dy inspektorë kanë realizuar 180 inspektime.

DUPMM në Komunën e Gjilanit ende nuk ka ndërtuar sistem të menaxhimit të të dhënave mjedisore, për shkak të mungesës së sektorit, mungesës së resurseve teknike dhe njerëzore për krijimin, grumbullimin dhe menaxhimin e të dhënave mjedisore.

Bashkëpunimi ndërinstytucional në hartimin e politikave publike vlerësohet të jetë i nivelit mesatar njësoj si bashkëpunimi me aktivistët e shoqërisë civile dhe se pjesëmarrja publike zhvillohet vetëm gjatë hartimit të PZHK-së, PLVM-së dhe HZK-së. Kësisoj bashkëpunimi me shoqërinë civile në hartimin e politikave lokale mbetet i kënaqshëm, teksa pjesëmarrja e publikut në hartimin strategjive lokale mbetet e pakënaqshme.

Sa i përket lejeve mjedisore në kuadër të DUPMM zyrtarët kanë raportuar se kanë lëshuar gjithsej 14 vendime për Leje Mjedisore Komunale dhe se nuk ka licenca aktive për shfrytëzimin apo menaxhimin e resurseve mjedisore dhe shërbimeve të ndërlidhura.

REKOMANDIMET

- Të shqyrtohen mundësitë për shtimin e një sektori për mbrojtjen e mjedisit në DUPMM;
- Të shqyrtohen mundësitë për shtimin e punonjësve profesionistë në DUPMM;
- Të organizohen më shumë trajnime për punonjësit e DUPMM rreth kornizës ligjore dhe rreth çështjeve mjedisore;
- Të përmirësohet dhe dinamizohet hartimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit;
- Planet e nivelit lokal për menaxhimin mjedisor të përditësohen, bashkë me fuqizimin e raportimit të zbatimit të tyre;
- Të rriten kapacitetet si dhe të shtohet mbikëqyrja inspektive dhe raportimi mjedisor;
- Të fillojë sa më shpejtë procesi i krijimit, grumbullimit, menaxhimit të të dhënave dhe sistemit të menaxhimit të të dhënave mjedisore;
- Të avancohet bashkëpunimi nivel qendror - lokal në hartimin e akteve ligjore dhe strategjive mjedisore; dhe
- Të kultivohet bashkëpunimi më i afërt me OJQ-të për të nxitur rritjen e pjesëmarrjes së publikut në çështjet mjedisore;

Për EC:

EC Ma Ndryshe është organizatë me bazë në komunitet, e themeluar në vitin 2006, që angazhohet për zhvillim të qëndrueshëm me qasje gjithëpërfshirëse.

Aktivizmi i EC-it synon një Kosovë ku qeverisja demokratike është pjesëmarrëse, transparente dhe llogaridhënëse, duke siguruar që institucionet, komunitetet dhe palët e interesit të punojnë së bashku drejt një zhvillimi të qëndrueshëm.

Ky vizion promovon vendimmarrjen gjithëpërfshirëse, politika më të fuqishme dhe përfshirje më të madhe të publikut, duke siguruar që qëndrueshmëria të jetë pjesë përbërëse e qeverisjes si në nivel lokal, ashtu edhe në atë kombëtar.

Përmes koordinimit më të mirë institucional, hartimit të politikave të bazuara në dëshmi dhe angazhimit qytetar, angazhimi i EC-së synon të kapërcejë hendekun mes komuniteteve dhe institucioneve, duke siguruar që qeverisja e mirë të sjellë ndryshime të prekshme dhe afatgjata.

Deklarata e vizionit

“Fuqizimi i një Kosove elastike dhe gjithëpërfshirëse, ku komunitetet në mënyrë aktive formojnë institucione të qëndrueshme, të digjitalizuara dhe të ndërgjegjshme”.

Deklarata e misionit

“EC Ma Ndryshe përkrah qeverisjen demokratike dhe zhvillimin e qëndrueshëm në Kosovë duke nxitur zhvillimin e qëndrueshëm socio-ekonomik, kulturor dhe të gjelbër përmes edukimit digjital, kujdestarisë mjedisore, mobilizimit të komuniteteve, avokimit për vendimmarrje publike me pjesëmarrje dhe kultivimit të partneriteteve strategjike”.